



O cartel do festival **Berra Baiona!** empezou a rular nas redes. Salientan nomes coma a banda neoiorquina [The Toasters](#), os madrileños [Super Skunk](#), así como *Zamaramandi*

, [Terbutalina](#)

e *Ganjahr family and West Rockers Band*. Rock, funk, reggae, e a forza da percusión do *Bloquinho de samba Aperta*

aseguran calidade e moita festa. A posta en escena será o venres 29 de agosto en Baiona. VM.info falou con Andrés Bonader, presidente da Asociación Cultural e Deportiva Berra Val Miñor, quen adianta todos os detalles do festival.

VM- Dende cando estades a traballar na procura dos grupos e a montaxe da festa?

Andrés Bonader- *Levamos dende comezos de ano barallando e perfilando as ideas que tiñamos para esta edición.*

VM- O cartel está pechado?

AB - *En canto a bandas si, o temos pechado pero aínda estamos traballando para concretar as actividades paralelas ó festival.*

VM- Sabedes xa en que lugar de Baiona terá lugar o festival?

Chega o “Berra” máis internacional.

Escrito por Redaccion @valminorinfo
Xoves, 03 Xullo 2014 19:56

AB- *O festival desenrolarase no Parque da Palma de Baiona o 29 de agosto.*

VM - **Xa tedes os prezos das entradas?**

AB- *A entrada será gratuíta. Non queremos que os cartos sexan un impedimento para gozar do festival, iso si, animamos a xente a que colabore doutros xeitos, xa sexa mercando unha camisola do colectivo, consumindo na barra do festival ou con outro tipo de aportacións, de tal maneira que isto poida ter continuidade.*

VM- **Teñen parcerías ou sponsors que acompañen á organización?**

AB- *O festival ten o apoio da Concellería de Cultura de Baiona e tamén, algo importante, moitos comercios locais do Val Miñor colaboran na edición dunha revista co programa do festival.*

VM- **Que aspectos salientarían do programa e da festa que ofrecerá o Berra Baiona?**

AB- *Sempre co colectivo apostamos por ofrecer programas heteroxéneos, multiculturais e interxeracionais. Trouxemos bandas de distintas partes do mundo, dende Arxentina, México ata Costa Rica, mesturadas con grupos galegos de excepcional calidade e sempre apostando na diversidade de estilos. Este ano visitarannos The Toasters, unha banda de Nova Iorque con máis de 30 anos de historia. Tamén os nostálxicos poderán escoitar o funk rock de Super Skunk, grupo madrileño que pegou moi forte a finais dos noventa. Terbutalina será o grupo que outorgue o toque irreverente o festival, unha banda moi divertida en directo. Ganjahr family and West Rockers Band xogaran na casa despois de recorrer o estado e parte de latinoamérica coa súa música. Zamaramandi serán os encargados de abrir o festival co seu elegantísimo reggae roots. Todo isto acompañado do alegre espectáculo de percusión do Bloquinho de samba Aperta e algunha que outra sorpresinha aínda por anunciar. En conclusión, vai ser un festival moi completo e organizado con moito agarimo.*